

ЎЗБЕКИСТОН ПАЛЕОЛИТИНИНГ МУСТАКИЛЛИК ЙИЛЛАРИДА ЎРГАНИЛИШИ

Боқиев Шерхон Убайдулло ўғли

(Шароф Рашидов номидаги Самарқанд давлат университети

Тарих факултети талабаси)

Асламов Азизжон Алишер ўғли

(Шароф Рашидов номидаги Самарқанд давлат университети

Тарих факултети талабаси)

Мирзаёров Шахзод Отабек ўғли

(Шароф Рашидов номидаги Самарқанд давлат университети

Тарих факултети талабаси)

Аннотация: Ўзбекистон палеолитининг мустакиллик йилларида ўрганилиш тархи. Бунда Зарафшон воҳаси, Жиззах воҳаси, Ўзбекистоннинг шимоли-шарқий худудлари, Фаргона водийсида олиб борилган тадқиқотлар ҳақида маълумот беради. Мустакиллик йилларида қадимги тош даврини ўрганиш бўйича маҳаллий экспедициялар ҳам фаолият олиб борди ва қатор янги ёдгорликларни очиб ўрганди. Зарафшон воҳаси худуди ҳам палеолит даври ёдгорликларига бой ўлкалардан ҳисобланади.

Калит сузлар: Жом, Сазағон, Қарнаб палеолити, Чашма, Фориш, 1441 метр Янгибод 1, Кулбулок, Дукентсой, Қосимов М.Р., Гўрдара, 5000 дан зиёд тош қуроллар, Жонобод, Сарикўрғон, Чодак, Анарбайев. А.А., Саидов М.М., Эргашов О.Т., Ўзбек-Франсуз экспедицияси.

Зарафшон воҳаси палеолити ўзининг археологияси билан ажралиб туради. Жом тумани Самарқанд вилоятининг энг жанубий чеккасида жойлашган. 2000-йиллардан бошлаб Жомлик ўлкашунос А. Ёркулов томонидан худуднинг сойларида қидирув ишлари олиб борилмоқда. Жомдан йиғилган тош буюмлардан бири оч жигарранг кремнийдан ишланган баргсимон тиг бўлиб, у ассиметрик шаклда ва бифасиал йўнишлар ёрдамида ишлов берилган.

Қуролнинг қирралари зигзагсимон. Бундай бифасиал ишланган тиглар Калтаминор маданиятининг иккинчи ярмига оид ёдгорликларида учрайди (Холматов Н.Ў. Ўзбекистон неолит даври жамоаларининг моддий маданияти. Т.: «Фан», 2008. – Б. – 154). 2012 йилнинг ёзида ЎзР ФА Археология институтининг археологик гуруҳи Самарқанд вилоятининг Пахтачи тумани

худудида қидирув ишларини олиб борди. Пахтачининг чека худудларидан бири бўлган Қарнаб қишлоғига кетишдаги йўлнинг ўнг томонида жойлашган Чашма номли қадимги булок бор. Ушбу булоқнинг атрофи қадимда ибтидоий одамлар яшаши учун қулай жой бўлган. Чашма топилмажойининг материаллари ўрта палеолитга оид Қўтирбулок манзилгоҳи комплексларига ўхшашдир. 2005 йилда Ўзбек-Франсуз экспедицияси Булунгур канали бўйида қадимги ёдгорликларни қидирув ишларини олиб борди. Тошга ишлов бериш технологияларини ўрганган йирик олим Ж. Тиксиер елкали пичоқларнинг қатор турларини аниқлаган (Tixier (J.). Standardization of terms in prehistory. Current anthropology, 1, n 4, 1960 – P.325)

Самарқанд вилояти қадимги тош даври маданиятлари кўшни Жиззах худудларига ҳам тарқалганлиги ҳақида гапириш мумкин. 2000 йилда Жиззах вилояти, Фориш тумани, Чимқўрғон қишлоғи худудидаги қум қарьерларида қидирув ишларини олиб борилиши натижасида, қайроқтош учириндидан ишланган тош ўзак топилган. 2013 йилнинг баҳорида ЎзР ФА Археология институти ва СамДУ Археология кафедрасининг палеолитчилар гуруҳи Жиззах вилоятининг Фориш тумани худудларида қидирув ишларини олиб зборди ва бу ердан бир қатор янги ёдгорликлар топиб ўрганилди (Сайфуллаев Б. Қ., Эргашев О. Т., Рахимов К. А., Ражабов А. Ю., Аллаёров Ў, Пардаев Ш. М. Жиззах воҳасининг палеолит даври // Ўзбекистонда Археологик тадқиқотлар. Самарқанд. 2014. – Б. 16). Гўрдара Фориш туманидаги Бирлашган қишлоғининг шимолий чеккасида жойлашган Нурота тоғ тизмаларига

қарашли Гўрдаранинг юқори қисмида, ҳозирда синиб тушган харсанг айвоннинг тагида олиб борилган қазиш ишлари натижасида учта

тош буюм топилди. Қазиш ишлари 1×1 м майдонда олиб борилди. Янгиобод-1 топилма жойидан йиғилган тош буюмлар орасида пичоқсимон пластиналар чакмоқлаб олишга мўлжалланган нуклеуслар ва уларга мос келадиган йўнилғилар ҳамда бир дона кичик ҳажмли бифас аниқланди. Тўплам нуклеусларидан бирдан пичоқсимон шаклли пластиналар синдириб олинган. Янгиобод-1 топилма жойи материалларига аналогия сифатида Оҳангарон водийсидаги Кўлбулок топилмажойининг юқори қатламлари ҳамда Фарғона водийсидаги Қопчиғай устахонаси сўнгги палеолитга оид комплекси тош буюмларини келтириш мумкин. Негаки, тилга олинган ҳар иккала комплексларда ҳам кам сонли майда бифаслар учрайди. (Касымов М. Р. Кремнеобрабатывающие мастерские и шахты Средней Азии. Ташкент.

Изд-во «Фан», 1972. – С. 133. Таблица 1. Рис. 1, 2; Сайфуллаев Б. К., Хушвақтов Н. О., Курбонбоев И.М. О позднем палеолите Узбекистана (по материалам верхних (I–III) слоев Кульбулака) // ИМКУ №36. Ташкент. 2009. – С. 29–34). Фарғона водийси ҳудудлари ибтидоий даврлардан одам яшаши ҳамда тараккий қилиши учун жуда қулай палеоэкологик шарт-шароитларига эга бўлган Чашма каби илк палеолит даврига оид маконлар топиб ўрганилган. Улардан Селунғур ёдгорлиги оламшумул аҳамиятга молик маълумотларни берган Селунғурнинг 8 та маданий қатламларидан 5000 дан зиёд тош буюмлар аниқланиб, улар Осиёча ашел маданиятига ажратилган. Маконнинг маданий қатламлари 1,5 миллион йиллар билан саналанган ва макон. Марказий Осиё ҳудудларида ҳозирда маълум бўлган энг қадимги ёдгорликдир. 2011 йилда Республикамиз Биринчи Президенти И. Каримовнинг “Қўқон шаҳри инфраструктурасини қайта яратиш” тўғрисидаги фармони асосан Қўқон ва унинг атрофида археологик тадқиқотлар олиб борилди. Тадқиқотлар бир неча йўналишда амалга оширилиб, улар қаторида ушбу ҳудудларнинг тош даврини ўрганиш бўйича ҳам гуруҳ тузилди. Натижада, ҳудуддан қадимги тош даврига оид қатор янги топилмажойлар аниқланди (Анарбаев А. А., Сайфуллаев Б. К., Саидов М. М. Археологические исследования в Коканде и его окрестностях. Ташкент, 2014, с. 1–88). Жонобод технокомплексининг тош буюмлари сўнгги палеолит даврининг илк босқичларини характерлайди. Жонобод нафақат Қўқон атрофидан, балки бутун Фарғона вилояти ҳудудларидан топилган дастлабки сўнгги палеолит даври ёдгорлигидир. Сарикўрғон номи билан машҳур классик давр ёдгорлиги Сўх дарёсининг ўнг қирғоғида мавжуд. Бу жойдан йиғиб олинган тош буюмлар орасида икки зарб майдонли тош ўзаги ҳам бўлиб, ундан калта ва баъзида узун пропорцияли учириндилар чакмоқлаб олинган (Анарбаев А. А., Сайфуллаев Б. К., Саидов М. М. Археологические исследования в Коканде и его окрестностях. Ташкент, 2014. – С. 68–83). 2011 йилда Қўқон палеолитчилар гуруҳи Наманган вилояти, Поп туманига қарашли тоғли Чодак қишлоғида ҳам қидирув ишларини олиб борди. Бу ердаги Қаттиққўлотасой дарасининг энг охирида жойлашган Туямозорбулокнинг атрофида қазиш ишлари ўтказилди. Ушбу булокнинг атрофида 50×20 м текис тупроқли майдон бўлиб, унинг катта қисми чорва моллари экстрактлари билан қопланган (Анарбаев А. А., Сайфуллаев Б. К., Саидов М. М. Археологические исследования в Коканде и его окрестностях. Ташкент, 2014. – С. 592 Анарбаев А. А., Сайфуллаев Б. К., Саидов М. М).

Фойдаланилган Адабиётлар рўйхати

1. Мустақиллик йилларида Ўзбекистонда палеолит даврининг ўрганилиши Жўракулова Дилфуза Мавлоновна. – Т: ЎзР ФА «Фан» нашриёти давлат
2. корхонаси, 2019. 240 б.
3. Холматов Н.Ў. Ўзбекистон неолит даври жамоаларининг моддий маданияти. Т.: «Фан», 2008. –Б. – 154

4. Tixier (J.). Standardization of terms in prehistory. *Current anthropology*, 1, n 4, 1960 –P.325
5. Сайфуллаев Б. Қ., Эргашев О. Т., Рахимов К. А., Ражабов А. Ю., Аллаёров Ў, Пардаев Ш. М. Жиззах воҳасининг палеолит даври \ \ Ўзбекистонда Археологик тадқиқотлар. Самарқанд. 2014. – Б. 16
6. Касымов М. Р. Кремнеобрабатывающие мастерские и шахты Средней Азии. Ташкент. Изд-во «Фан», 1972. – С. 133. Таблица 1. Рис. 1, 2; Сайфуллаев Б. К., Хушвактов Н. О., Курбонбоев И. М. О позднем палеолите Узбекистана (по материалам верхних (I–III) слоев Кульбулака) \ \ ИМКУ №36. Ташкент. 2009. – С. 29–34
7. Анарбаев А. А., Сайфуллаев Б. К., Саидов М. М. Археологические исследования в Коканде и его окрестностях. Ташкент, 2014, с. 1–88
8. Анарбаев А. А., Сайфуллаев Б. К., Саидов М. М. Археологические исследования в Коканде и его окрестностях. Ташкент, 2014. – С. 68–83
9. Анарбаев А. А., Сайфуллаев Б. К., Саидов М. М. Археологические исследования в Коканде и его окрестностях. Ташкент, 2014. – С. 592 Анарбаев А. А., Сайфуллаев Б. К., Саидов М. М

